

Sarajevo, 29. mart 2018

**POZIV ZA DOSTAVLJANJE PONUDE
u okviru projekta Start-up centar općine Stari Grad**

Vrsta usluge: Snimanje, produkcija i montaža video filmova
Lokacija: Sarajevo, BiH
Početak angažmana: 16. april 2018
Jezik: BiH

1. UVOD

Fondacija INFOHOUSE u okviru projekta „Start-up centar Općine Stari Grad“ kao dio REGIONALNOG PROGRAMA LOKALNE DEMOKRATIJE NA ZAPADNOM BALKANU (ReLOaD) koji finansira Evropska Unija (EU), a provodi United Nations Development Programme (UNDP), realizira aktivnosti koje se odnose na unapređenje preduzetništva i preduzetničkog duha korisnika start-up biznisa koji posluju na području općine Stari Grad kroz saradnju sa Javnom ustanovom Službe za zapošljavanje Kantona Sarajevo.

Projekat „Start-up centar Općine Stari Grad“ nudi ovim poduzetnicima direktnu podršku i pomoć kako bi njihova ideja ili već registrovana firma postala prepoznatljiva na tržištu i dobila neophodnu podršku za rast.

Poduzetnici će dobiti priliku da jačaju lični poduzetnički kapacitet, razvijaju model i poslovni plan za svoj start up biznis, tehničku implementaciju procesa proizvodnje i/ili pružanja usluga te unapijede znanje i vještine iz oblasti marketinga, kao i podršku iz drugih oblasti koje se identifikuju kao važne za razvoj biznisa.

U okviru ovog projekta, Fondacija INFOHOUSE raspisuje poziv za dostavu ponuda u svrhu:

SNIMANJA, PRODUKCIJE i MONTAŽE dva video promotivna filma (do 10 minuta trajanja po filmu) putem kojih će javnosti biti predstavljen projekat Start up biznisa.

U video filmovima trebaju biti predstavljeni:

- (i) 22 profila direktnih korisnika projekta na području općine Stari Grad,
- (ii) njihove djelatnosti, proizvodi i /ili usluge te drugi podaci vezani za njihovo poslovanje,
- (iii) uspješne start up priče,
- (iv) rad na edukativnim radionicama,
- (v) rad mentorskih posjeta,
- (vi) ceremonije dodjela potvrda o sudjelovanju na edukaciji „O menadžerskom zanatu“;
- (vii) sajam „Od ideje do biznisa“ sa ciljem promocije poduzetnika i start up biznisa sa područja općine Stari Grad i umrežavanje korisnika projekta sa drugim korisnicima, partnerima iz ReLOaD projekta.

Regionalni program lokalne demokratije na Zapadnom Balkanu (ReLOaD) finansira Evropska unija, a provodi UNDP

Film treba da prati scenarij koji je odobren od strane Fondacije INFOHOUSE koji je zamišljen kao priča koja opisuje scene, predstavlja korisnike start-up biznisa na području općine Stari Grad.

Film treba da prati dinamiku realizacije njihovih biznisa, proces rada i projektnih aktivnosti tako da pored snimka profila korisnika start-up biznisa, prati edukaciju, mentoring, do realizacije uspješnosti. Pri tome, snimak likova u priči i dijalog koji oni govore su važni, ne samo po sebi, već i zato što poboljšavaju i unapređuju priču. Odstupanje od radnje filma kao i nevažne stvari oko događaja koji ne pripadaju u priči treba izbjegavati, osim ako imaju posebne namjene.

2. OPIS POSLA

Kandidat ili firma za gore navedene poslove je obavezan da predoči jasan i izvodljiv prijedlog plan za:

- Konceptualnog i vizualnog kvaliteta rješenja na osnovu dostavljenog scenarija od strane Fondacije INFOHOUSE i na osnovu projektnih aktivnosti,
- Snimanje dva filma i pripadajućih kraćih dijelova filma (isječaka) i motnaža i produkcija istih,
- Predaja filma i pripadajućih kraćih dijelova filma (isječaka) Fondaciji INFOHOUSE u tehničkom standardu i kvaliteti pripremljenoj za emitiranje u elektroničkim medijima (TV, internetski portali i kanali, socijalne medije)

Napomena: Film treba snimljen profesionalnom kamerom (po formatu HD)

3. VREMENSKI OKVIR

Predviđeno je da se angažman realizuje u period od 16. aprila do 21. septembra 2018.godine jer se film snima u dijelovima na osnovu projektnih aktivnosti (film prati faze projektnih aktivnosti u periodu od 5.mjeseci:edukativni i mentoring proces, 22 priče i profile start up korisnika, i na kraju završnu aktivnost sajam „Od ideje do biznisa“).

4. PRIJAVA

Zainteresovani kandidati treba da dostave svoju ponudu sa biografijom, a zainteresovane firme svoju ponudu i svoj portfolio rada na poštansku adresu:

Fondacija INFOHOUSE
Skenderija 17
71 000 Sarajevo

ili skenirano na email adresu: anja@infohouse.ba

Cijena ponude mora biti iskazana sa PDV-om (ukoliko su firme PDV obveznici).

Plaćanje će se vršiti po fazama, u dijelovima na osnovu odobrenog scenarija i projektnih aktivnosti.

Poziv je otvoren sedam (7) dana od dana objavljivanja.

5. IZBOR PONUDE

Izbor ponude izvršiće se na osnovu dostavljenih dokumenata.

Svi kandidati i firme će biti obaviješteni o rezultatima odabira ponude najkasnije do 06. aprila do 16:00 sati.

6. KONTAKT OSOBA

Za sve dodatne informacije koje se odnose na ovaj poziv možete kontaktirati:

Anja Didović, INFOHOUSE, anja@infohouse.ba,
tel/fax 033 209 304, 200 538